

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（137）



國家圖書館出版社

中國地方志佛道教文獻匯纂·寺觀卷

浙江省 嘉興市

梅里備志

清·余霖纂

民國十一年（一九二二）閱滄樓刻本

寺觀

靈源寺 卽期堂寺詳見舊志宣統初年畧加脩葺附設警察

署於其西偏

今大殿已圯廢其東偏新建一小殿

王炳虎過靈源寺分柿山房詩

原注山房在寺中國初僧林與周管谷諸前輩唱和之

所有分柿偶編之刻

靈源池水口沄沄紺宇晴空聳碧雲攜屐獨來

尋古蹟入門重爲訪遺文講餘舊拂留殘壁題牘荒碑上夕

曠太息老成凋謝盡庭前紅柿待誰分

秋坪詩鈔

吳陸雲過分柿山房詩

不道中林客譚經獨閉關花明春

後雨竹翠晚來山樂與共晨夕因之數往還一燈禪定外彌

覺寸心閒

梅里詩鈔

每邑青志卷一 寺觀

三 閱 卷 本

古南寺

卽社庵

見舊志 府縣志 均作古南禪院

庵爲明僧依蓮募建凡大

殿兩廊兩樓前殿方丈關室禪房客堂雜務諸寮稱之明季

天童密雲老人來游依蓮請寺名因易今名密老法嗣收雲

門公繼主寺席

門公有古南禪院續記

道風極盛學徒雲集歲時禮誦

魚梵之音達於廬市里之前後分其教居菴者十餘處歸而

潛脩者又凡幾家古南遂成名刹

王庭古南禪院碑銘

清乾隆中重脩

大殿山門又增建天王殿

見舊志

道光十八年僧儀傳募資重

建里人助之盡復舊觀

李富孫有重修碑記

內有大悲閣爲乾隆中定

安得公所建

時自徑山來主古南

年久傾圯同治末年間僧靈慧募資

改建又出已資借寺東偏節孝祠舊址建禪房三楹

李兆熊慧用募

記
今山門久燬僧侶雲散殿宇荒蕪

新纂

周筮和古南牧老人秋軒詠詩 嗟予縛塵鞅愛此梧軒靜

原注梧軒爲老人齋額 疎竹風翛翛坐來發深省奔走百年間奚殊流

電影瀝掃遲故人扶筇以延頸

梅里詩聲

李富孫古南禪院歷久傾圯虛谷上人自屠甸來主方丈重
爲脩建卽題其踏蘆渡江圖詩 江流浩漭渺無際恒河沙

界誰利濟達摩飄然自西來踏波甯煩厲且揭聿濬遙源啟

元闢拯溺逝川憫塵世我鄉佛刹傳古南蓮生陸地開優曇

密公締構收公繼迭據獅座稱名藍老輩往還參妙諦

先敬士秋

錦公昆弟及遇人皆谷竹垞
諸先生皆與牧公爲方外交
結契方外同蒲龔詩筒茶版相
酬和紛葩嘉藻留殘緣閱今星霜百餘載古殿崩墜堂傾圯
無緣唱慈地布金法鼓何由警環海積垣敗瓦風雨侵衰盛
代謝應有待吾師道行溯天童一心智慧關愚蒙蘆葦輕航
忽飛渡穩步順浪驅長風卓錫開筵轉惻悵經營匠石新珠
宮檣棟巍峨雲霞麗規模恢廓仰穹窿寶相莊嚴足宣化祇
樹披拂香郁濃明證清楚朝復暮龍象力護諸方同叢林重
煥疑應阜雨花石點誠非偶松門舊徑憶前踪宗雷遺蹟堪
踵後欲尋白社昇籃輿可許禪榻譚經否

校經
編集

李富孫重修古南禪院碑記

畧

里西古南禪院明季爲文

人社會之所名社庵僧依蓮居之天童密雲師來主獅席題
曰古南國初牧雲師繼之說法開堂遂爲名刹王方伯朱太
史俱有碑記述之甚詳第規制未備至乾隆間定安勦建六
悲閣於殿後德源重建大殿朗情增建天王殿恢拓基宇規
模始宏敞矣迨後住持或不能清脩梵行有積逋官賦而致
累者嘉慶間福嚴之嗣法舟主是席拮据區畫輸國課三百
餘緡然賦雖清而殿宇漸傾圯十餘年來寺屋皆流丐所棲
香積爲游僧所據當日陸地生蓮今已鞠爲茂草良可慨焉
道光癸巳里人金君和叔馬君溪川等請三峰嗣儀傳主院
事實力焚脩清釐冗雜苦募眾緣殫數年之勞梓重脩大殿

東西添建兩佛殿泊先賢殿以至丈室禪房齋堂客寮廊廡
庖湢之屬罔不整理繕葺並裝飾寶相洪開法化莊嚴宏麗
頓復叢林舊觀矣蓋自癸巳以後疊遇歲荒齋廚恒不給儀
傳矢志脩復眾善亦發願助施迺克鳩工庀材凡棟梁檼桷
瓴甓丹漆黝堊之費糜錢四百萬餘左右規畫者金馬二君
之力居多而總其出內無囊橐之差者胡君寶榮也工既竣
莫不歎儀傳之恢復前規振興法教將見眾徒雲集肆筵設
講可復見曇時雨花之盛後之居是院者當潛修證覺頽仰
堂構無忘經營脩造之艱庶幾有基勿壞以永建法幢而不

墜爾

同上

自在庵

併福城庵舊址

在東木橋街北庵之東偏舊設嘉興縣丞署

光緒三十一年縣丞鄭祖藩重修署屋

宣統三年九月廢

庵中向奉

觀音大士有僧住持光緒季年僧亡庵落會各縣奉部文督

促普設學校里人因公議於庵中設立拔萃兩等小學堂堂

長何國模以公款改築西廡時光緒三十二年也

學堂經費里中米絲

典布樹木南貨衣莊綢緞洋貨等業均有特捐由管理者經收支用尤以本鎮茶碗捐為大宗宣統間並附

設自治公所於其中

宋訪稿參通志訪冊

繆元英梅花溪踏春詞 世路迤邐迄未通半生愁水更愁

風幾番閒向谿頭息自在尋僧說苦空

原注自在庵詩僧乾一住錫於此

陳鴻誥何近楓國柱招集自在庵賞鶉花 春光去未遙餘

花留佛屋何點雅愛客移觴招近局滿室列盈盈綢爛堪娛
目嬌紅簇枝頭涼翠盪簾角銜杯盡歡笑良夜兼可卜杜宇

一聲聲催月上林麓

味某華詩集

文昌閣一在梅谿庵前本六角亭舊址

舊志附見於梅谿庵下閭中有里人科第職

官等道
光二年重修里人春秋醮資祭祀燕享於此

新纂

姚駕鼇梅谿權歌梅匪橫欄作市稍紅亭六角古谿均當

年活潑東流水科第蟬聯等拔茅

原注六角亭有科甲題名額下爲東閭

蔣學堅八月三日文昌閣讌集詩傑閣撐天際憑欄思渺

然科名懷往昔

閭中有題名扁額皆誌梅里諸先輩之登甲乙科名貴咸均者

翰墨仰高賢

閭外有郭頻伽先生簾捲秋風裊棹開夕照前梅谿諸雅士

審光緒南斗四字

贏得共流連

懷亭詩續錄

馮登府重修文昌閣碑記

梅溪之文昌閣昔爲六角亭亭

外有東塔不知建自何時橋李詩繫載元祐僧智鑑嘗居梅溪其梅溪卽事詩云性癖偏宜雲水間半龕棲隱便相安則庵宋時已有之亭與塔之建雖先後莫考要之其來古矣梅溪一名霖塘見王湘詩其溪之灣曰碧玉灣金采江前輩所云碧玉灣頭星斗近据此也乾隆辛卯編修率公錢廓舊址爲閣以祀文昌閣中書題名額懸之翠簷魏聳六翮翬飛歲時展禮香錠不絕誠盛舉也顧歲久漸就頽壞戊寅春先贈君與張丈之棟倡議開濬東開後矢願重修是間未及鳩工

遽捐館舍余夙夜思懼以未竟先志爲憾辛巳偕張丈勸里中之樂善者得輸金數百遂庀材葺治築垣以環之塋像以新之規模載廓丹雘朱碧之飾絢如矣閏歲告成以壬午孟冬丑日迎文昌之神而祀之禮也于是小子始得告慰於先人而益感丈之德不忘夫文昌之崇祀也周禮宗伯有祀司中司命之文月令立冬後亥日記司中司命司祿於國城西北垂爲令典我仁宗御極之六年特詔示天下以文昌帝君宜專祠其在京師由太常致祭在各直省由地方官設宮虔奉頒爲式凡所以尊神聖而重典教也吾里人文蔚起代不乏人科目之開自元迄今舉於鄉者五十人捷禮部者十

四人而本朝前後兩制科皆與其選焉可不謂盛乎今雖稍就衰歇而風俗淳厚先賢之餘韻尙存也詩書敦本子弟之率教如故名流畸士高節邁世不爲方隅所囿者接踵而興登斯閣也慨然念沐浴將澤涵濡聖德鼓舞於無窮此可以告神聽勸民行也里人士之奮興將快而觀之也閣成敬濡

筆記之道光二年十月

石經閣
未刻稿

文昌閣 在里西十四里官衙口南其地向有朝東亭左側數

楹年久失修日漸傾圯光緒十四年里人集資改建斯閣亦

背西面東中祀文帝旁設惜字所每月雇工四出蒐拾字紙

焚化

宋寶塘
訪稿

茶亭

其上亦有文星閣

見舊志今補馬記

久廢改建市屋

馮登府重修茶亭碑記

署亭在慶豐橋側爲明僧依蓮施茶

之所歲派一僧司其事康熙間里中戮含山盜以百計鬼羣爲祟乃埽大士像於亭以厭之祟遂絕釋通門有茶亭緣起始末記言之詳矣後僧克明繼之稍稍整理歲久剝侈其址半爲市人所占康熙五十年張公懷遠及孔公南吉有重建之舉甫就工而孔遠行張亦尋病未得竣後張公歿公仲子簡承公志鳩工庀材廓舊址增闢於其上李君宗潮有記此前事也吾敬軒丈孝友好施與念先人業於嘉慶十年率公錢修之並祀文昌神飭飛樓舞與里東文昌閣對峙登閣眺

之六峯環於南雲橋煙市歷歷在窗牖間誠壯觀也今亭又

頽壞敬軒既與先贈君首議重建文且開工竣以餘力增葺

是亭廢者舉而庠者整金碧煥然非樂善君子世世不倦者

能爲之歟道光二年十月

石經閣
未刻稿

水口庵

原名夏家庵
又名積善庵

在獨龍橋北

光緒中改
設仁濟堂

今爲節孝祠

草亭庵

在姜家街口今爲仁濟堂善舉公所

指月庵

在六十間廊下之北

周篁過指月庵有感詩

此地吾舊游前溪卽茆舍頻得向

招提談經坐遙夜臨溪羨水鳬隔樹窺亭榭琉璃明殿角圓

月生林下相從支許流何曾問冬夏轉徙十年來人事感徂